

1414, 17 juin. – Vannes

Autorisation donnée par le duc Jean V aux cordeliers de Vannes de construire une porte pour clore leur cimetière.

AD56, 49 H 2

[En marge haute : « 17^{me} juign 1414 »]

/1/ Jehan, duc de Bretagne, conte de Montfort et de Richemont, a touz ceuls qui ces presentes lettres verront ou orront, salut. Savoir **/2/** faisons que, en l'onnour de Dieu et de monseigneur Saint Franczoys, nous avons octrié et par ces presentes octrions de nostre don **/3/** et grace especial es freres minours de nostre ville de Vennes congé et licence de faire fere et ediffier une porte en la terre **/4/** par laquelle l'en entre ou cimiterie du convent desdiz freres minours entre le mur de leur jadin¹ d'une part et la maison **/5/** Jehan Laurens d'autre, en volant qu'ilz y ediffient ladite porte o² sa closture et edificacion de mur y appartenant affin **/6/** que leurdit cimiterie puisse estre cloux et fermé ainsi qu'il appartient pour obvier a plusieurs inconveniens qui par **/7/** deffaut de ce pourroient ensuir. Et pour ce faire et ediffier, leur transportons tout le droit, raison et action que avons **/8/** et avoir povons en icelle place et la leur amortissons, y faisant ladite porte et edificacion d'icelle. Si mandons et **/9/** commandons a noz senechal, alloué et procureur de Broerec, leurs lieux tenanz et a chacun presens et a venir, a qui de ce puet et **/10/** doit appartenir, que de nozdiz don, grace et octroy ilz et chacun d'eulx en son temps facent, seuffrent et laissent joir et user **/11/** entierement, plainement et paisiblement lesdiz freres minours senz sur ce leur faire ou donner, ne souffrir estre fait **/12/** ou donné aucun ennuy, destoubier ou empeschement en quelque maniere que ce soit. Et copie de ces presentes vaudront **/13/** de ce garant et descharge a celui de nozdiz officiers qui mestiez en aura. Car ainsi le volons. Donné en nostre ville de **/14/** Vennes le XVII^e jour du mois de juing l'an mil quatre cens et quatorze. Constat de la rasure « la terre » donné comme dessus. Des Marays.

/15/ Par le duc de son commandement

/16/ [Signé :]

Des Marays

¹ Sic. Mis pour « jardin ».

² Signe utilisé pour le mot « avec ».